

الرسول ﷺ و سعة الصدر "الجزء الثاني" | الحلقة (20) |

#لو_عرفوه_لأحبوه | د. حازم شومان

حازم شومان

السلام عليكم ورحمة الله وبركاته. الحمد لله وكفى وصلة وسلاما على عباده الذين اصطفى. اللهم لك الحمد كله ولكل الملك كله وبيك كل الخير كله واليكم يرجع الامر كله اللهم صل على عبدك ونبيك محمد صل الله عليه وسلم في الاولين والآخرين والملائكة الى يوم الدين. اخواني واحبابي في الله ساعة الصبر - 00:00:31

لسه بنتكلم عن سعة الصدر هذه الصفة الخطيرة. يا اخواني في الله يا ما مفاوضات ما بين شعوب وما بين قادة شعوب وبعضاها. انهارت سبب ان قائد الدولة ما قدرش يستحمل كلمة من اللي هو بيتفاوض معه. يا محروم قامت بسبب ان قائد عسكري ما قدرش يستحمل موقف اتعمل فيه - 00:00:56

او اتعامل مع البلد بقاعدته. ياما يا اخواني في الله يعني ناس قتلت بعض. بسبب كلمة ما حدش قدر ان صدره يستحملها. ياما بيوت واحد طلق زوجته او واحدة يعني صممت انها تطلق من زوجها. بسبب كلمة ما فيش حد من الطرفين قدر انه يستحملها. ياما علاقات اخوة - 00:01:16

الحب انهارت ياما اخوات خسروا بعض بسبب ان كلمة كل واحد من الطرفين ما قدرش يستحمل ما قدرش صدره يسع هذه كلمة سعة الصدر صفة خطيرة جدا يا اخواني. اللي ما عندهم الصفة ديت عايش حياته معذب. عايش حياته تعان. عايش حياته صدره ضيق - 00:01:36

استمرار عايش حياته مضغوط وضاغط كل اللي حواليه. الانسان اللي عنده سعة الصدر سبب رحمة وسعادة لنفسه ولكل اللي حواليه بازن الله سبحانه وتعالى المرة دي بنتكلم عن الجزء الثاني - 00:01:56

من سعة الصدر عند رسول الله صل الله عليه وسلم. والكلمة العظيمة لسيدنا علي ابن ابي طالب. وهو يصف النبي صل الله عليه وسلم كان اوسع الناس صدرا. كان ما بيأخذش على صدره عليه الصلاة والسلام. كان صدره مليان ثقة بالله وفرح بالله. وامل في - 00:02:09

ومؤمن ان ربنا مش هيسيبيه. كان بيتعامل مع المشاكل والضغوط والابتلاءات والزروف والعوارض. بقمة سعة الصدر. يعني سبحانه الله العظيم! يعني احد المستشرقين جه عاش مع العرب آلا زمان بقى في القرن التسعين فكان اكتر حاجة علق عليها - 00:02:29 بيقول مهما حصل من عوارض لا يفقدوا اعصابهم ابدا. بيفضلو ساكين. واسقين ان ربنا مش هيسيبيهم. بيقول ربنا سيارة مرة العجل بتاعها انفجر. فبيقول اخذ هو بقى هيجن ومين المسئول على انه كان يعمل صيانة للسيارة ديت بيقول له لقيتهم وهم بيقولوا القضاء - 00:02:49

وقدر وربنا اراد كده وربنا ان شاء الله بازن الله هيفرجها. فيعني الناس بتتعجب يا جماعة من هذة الصفة. صفة سعة الصدر الانسان اللي صدره لا يضيق امام العوارض ابدا. قلنا المرة اللي فاتت ان صدر النبي عليه الصلاة والسلام وسع كل الاخلاق. ووسعها مع كل الناس ووسعها في كل الظروف - 00:03:09

وهو ده موضوع اللي احنا هنتكلم عنه النهاردة سعة صدر النبي عليه الصلاة والسلام في كل الظروف. النبي عليه الصلاة والسلام وهو بيموت. بيموت في بيت السيدة عائشة رضي الله عنها - 00:03:29

اكبر مصيبة بالنسبة لمراته حبيبته اكتر واحدة بتحبه في الدنيا كلها. عائشة بنت ابي بكر وجوゼها بيموت وهي الشابة الصغيرة اعصابها مش قادره تحمل موت زوجها امام عينيها. موتنبي الله عليه الصلاة والسلام امام عينيها. النبي عليه الصلاة والسلام بيضع رأسه على صدرها بين - 00:03:39

نحرها ونحرها. يعني على سدرها. يعني النبي عليه الصلاة والسلام يموت وهو في حضن السيدة عائشة. وكما في صحيح البخاري يموت وهو في حضن السيدة عائشة عليه السلام الصلاة والسلام. كانه هو بيموت - 00:03:59

بيفكرة ازاي يواسيها. ازاي يبقى يعني اخر مشهد يا اخواننا يعني حتى الافلام الرومانسية ما بتقدرش تقول المشاهد بتاعتها على هزا المشهد المهول اللي ختمت به حياة النبي عليه الصلاة والسلام. وهو ينظر الى السماء ويقول بل الرفيق الاعلى - 00:04:12

قلبه في السما قلبه مع ربنا قلبه مش مع الدنيا. ومع ذلك وهو في قمة التوهج اليماني في لحظة خروج رح النبي عليه الصلاة والسلام بهمهم انه يواسي السيدة عائشة. يعني الحنان والشفقة والعطف صدره وساحة حتى وهو في هذا الموقف. سيدنا اسامه بن زيد ترك - 00:04:32

الجيش اللي كان قائد ورجع اللي كان بعث الروم ورجع للنبي عليه الصلاة والسلام يطمئن عليه. سيدنا محمد كان فقد القدرة على النطق في هذا الوقت عليه الصلاة والسلام. قبل - 00:04:52

مبشرة النبي عليه الصلاة والسلام يعني عايز يعني قلبه بيتفجر حنان على اسامه بن زيد. اخذ يحرك يديه يعني ان هو بيدعى له. يعني كانه اسامه انا بدعى لك. ولكن مش قادر يحرك بقه عليه الصلاة والسلام. فعلم اسامه وعلم الصحابة ان النبي عليه الصلاة والسلام بيدعى له. النبي قبل ان يموت بساعات يعني في - 00:05:02

اشد لحظات المرض على النبي عليه الصلاة والسلام يتحامل على نفسه. ويقوم ويكشف الستار عن اصحابه وهم يصلون الفجر. كان النبي حس الدبيب الموت في جسده كان النبي حس ببدء خروج الروح من جسده، عليه الصلاة والسلام. ما عملش كده في الصلوات بتاعه ايام المرض بتاعه. انما صلاة الفجر دي - 00:05:22

كان النبي يعلم النيمة ساعات وما عادش هيشفوF الصحابة في الدنيا تاني. عليه الصلاة والسلام فقام رسول الله صلى الله عليه وسلم. وتحامل على نفسه وكشف الستار نظر الى اصحابه وهو يصلون الفجر. الصحابة كانوا هيسيبوا الصلاة من كتر ما فتنوا بالفرحه. افتكروا ان النبي عليه الصلاة والسلام راق. افتكروا ان النبي عليه الصلاة والسلام شفي - 00:05:42

ما كانش شوفي ولا كان رايق عليه الصلاة والسلام ولكن كان عايز اخر مشهد يشوفوه وجه النبي عليه الصلاة والسلام وجه المربى بتاعهم. وهو بيتبسم في وجههم. كان عايز يبقى ده اخر منز عشان - 00:06:02

يا سيدنا انس بيقول نظرت الى وجه رسول الله صلى الله عليه وسلم في اللحظة دي كانه ورقة مصحف كانه حاجة اكتر حاجة منورة في عينين سيدنا انس في الدنيا - 00:06:15

المصحف فبيقول كانه ورقة مصحف النبي عليه الصلاة والسلام حنانه واسع الدنيا كلها حتى وهو بيموت. عليه الصلاة والسلام في كل الظروف النبي لا تتبدل ولا تتغير يوم موت ابنته. يوم موت ابراهيم. ابراهيم مات يا جماعة والنبي داخل على ثلاثة وستين سنة. مات قبل موت النبي عليه الصلاة والسلام بشهور - 00:06:25

ده ابنه الوحيد وده الولد الوحيد اللي كان عايش اللي النبي عليه الصلاة والسلام وده الولد الوحيد اللي رزقه اصلا النبي عليه الصلاة والسلام طول فترة المدينة لم ينجـب من اي زوجة من الزوجات. يعني ده الولد الوحيد وخلاص بدأ يمسـكه في ايديه ويأخذـه مع المسـجد. وتـجـود رح ابراهـيم. يعني 00:06:45

الصـبح في الصـباح الـبـاـكـرـ النبي عليه الصـلاـةـ والـسـلـامـ كانـ شـاـيـلـهـ عـلـىـ ايـديـهـ وـاـبـراـهـيمـ يـعـنـيـ خـلاـصـ صـدـرـهـ بـقـىـ صـوـتـ حـشـرـجـةـ المـوـتـ فيـ صـدـرـ اـبـنـهـ اللـيـ كـانـ لـسـهـ سـنـةـ سـنـتـيـنـ يـعـنـيـ خـلاـصـ يـعـنـيـ بـيـمـوـتـ. فـالـنـبـيـ عـلـىـ الصـلاـةـ والـسـلـامـ بـدـأـتـ عـيـنـيـهـ تـسـيـلـ بـالـدـمـوعـ. عـبـدـالـرـحـمـنـ بـنـ عـوـفـ قـالـ لـهـ مـاـ هـذـاـ يـاـ رـسـوـلـ اللـهـ؟ قـالـ هـذـهـ رـحـمـةـ هـذـهـ 00:07:05

ما ان العين لتدمع وان القلب ليحزن وانا على فراقك يا ابراهيم لمحزونون. ولا نقول الا ما يرضي ربنا انا لله وانا اليه راجعون. واحد شايل ابنه ووقف بالثبات ده وابنه بيموت. ابنه الوحيد بيموت بين ايديه - 00:07:25

مات ابراهيم ودفنه. بعدها بدقائق بعدها بساعة تكشف الشمس ويقف النبي عليه الصلاة والسلام يصلي صلاة الكسوف. وهو في السجود ينفخ ويقول اف اف ويبكي بكاء مهولا. يعني اكتر صلاة النبي عليه الصلاة والسلام بكى فيها في تاريخه كله. هذه الصلاة والصلاه اللي صلاها قيام الليل - 00:07:43

ليلة نزول خواتيم ال عمران. النبي عليه الصلاة والسلام يبكي ويقول يا رب الم تعذني الا تعذبهم وانا فيهم؟ الم تعذني الا تعذبهم وهم يستغفرون؟ هو النبي عليه الصلاة والسلام بيبكي كل ده ليه؟ مش حزن على موت ابراهيم - 00:08:05

خوف على اصحابه احسن يكون الكسوف ده هو بداية يوم القيمة. هو ده بداية علامات يوم القيمة لان انت عارفين ان كسوف يوم القيمة هيحصل تجمع الشمس والقمر هيحصل هذا الخسوف الشديد ولكن العلماء كلهم هيقولوا هينجلي بعد ساعة وكذا دقيقة وكذا سانية فلا ينجلی واذا بيوم القيمة - 00:08:20

يقوم فالنبي عليه الصلاة والسلام يوم موت ابراهيم. وهو بنفس الاخلاق بنفس الشفقة. بنفس العطف بنفس الرحمة. يعني لو واحد ابنه مات يا جماعة وشاف واحد المسلح خبطته عربية يومها هيقول يعني ابني مات يعني مش قادر ان انا اتفاعل مع مشاكل حد او مع هموم حد اصلا. الناس لما بتكون صدورها - 00:08:40

مشاكل لا تستطيع ان تستوعب مشاكل غيرها. لا تستطيع ان تتفاعل مع هموم غيرها. النبي عليه الصلاة والسلام واقف يبكي البكاء ده كله خوف على اصحابه وفي وهو لسه جثة ابنه ابراهيم لم تبرد في قبرها. اخلاقه في كل الظروف. السيدة عائشة - 00:09:01

مر هذه المواقف الحزينة. مر النبي عليه الصلاة والسلام راجع السيدة عائشة قالت له انا عايزه احكي لك قصة يا رسول الله. تحكي لي قصة. ساعات يا جماعة يعني كلنا بنجرب الموضوع ده تبقى انت راجع بيتك ما انت شايف قدامك اصلا. يعني زوجتك تيجي تكلمك في موضوع انت تنام واما تصحي الصبح تفتكر انك نمت وهي بتكلمك من - 00:09:21
ктرا الجهاد اللي انت فيه. بتبقى نفسك انك تتفاعل بس مش قادر. تخيلوا النبي عليه الصلاة والسلام يعني راجع من مهام شكلها ايه. يا اخواني في الله احنا مش مشغولين - 00:09:41

خالص والواحد بيرجع بيته دماغه دي عاملة يعني جواها سورة. من كتر المشاغل والانشغال وفلان هي عمل ايه والموضوع الفلانى هيرسى على ايه ؟ والازمة الفلانية تتحل ولا ؟ وبكرة ورايا كزا وورايا كزا. تخيلوا بقى ومال حبيب الله محمد عليه الصلاة والسلام. مراته عايز احكي لك قصة قصة - 00:09:51

قالت له قصة حداشر امرأة كم؟ يا رب استر يا رب. تخيلوا بقى لو واحد مننا بقى وبيسمع حداشر امرأة بتاع اجتمعوا يا رسول الله فتعاقبنا وتعاهدنا على الا يكتمنا شيئا من خبر ازواجهن. كل واحدة يا رسول الله حلفت بالله - 00:10:11

هتقول كل حاجة عن جوزها. تخيلوا لو واحد مننا هيحط ايده على راسه وهيقول يا نهار ايض! يعني انا الوقتى اسمع حداشر قصة الله وحده يعلم النبي عليه الصلاة والسلام كان وراه الفجر ايه ؟ الله وحده يعلم. النبي عليه الصلاة والسلام كان جاي منين ومراته عايزه تحكي له حداشر قصة. والنبي عليه - 00:10:32

الصلاه والسلام ينتبه مع السيدة عائشة ويصغي للسيدة عائشة. انت عارفين طبعا الفرق بين الرجل والست يا جماعة. يعني الرجل اهم حاجة عنده الرجل عقليته اجمالية يعني مسلا ابنه راح فرح مسلا فيقول لابنه مسلا ايه آا ايه الفرح كوييس؟ يقول له اه يا بابا الفرح كوييس والحمد لله وتمام يا ابني اتبسطت الحمد خلاص بقى كل حاجة من فوق - 00:10:54

انما السنت ما عندهمش الكلام ده. تقول لبنتها جبت من الفرح حبيبتي. اه يا ماما. ده كانت العروسة لابسة كزا. وكان يا ماما اللي جايبيين اكل كزا كان يا بابا الناس عاملة كزا السنت عقليتها تفصيلية دايما - 00:11:14

فتخيلاوا النبي عليه الصلاة والسلام السيدة اشرفه بتقول له حداشر قصة بس. يا زوجي الحبيب. حداشر قصة بس يا رسول الله. عليه

الصلوة والسلام. وقعد تحكي له بقى واحدة منهم تقول زوج العشنق - 00:11:28

ان انطق اطلق وان اسكت اعلق. وواحدة تانية زوجي عيایاء طبقاء. كل داء له داء شج لك او في لك او جمع كل لك كلام طلاسم وكلام قصص وكل واحدة قصة وحكاية والقصة رقم حداشر بقى - 00:11:38

زوجة ابو زرع بقى والسيدة عائشة بتتحكي والنبي عليه الصلوة والسلام بينظر لها بانتباه واصفاء. وهي تقول له فقالت الحادية عشر الحمد لله وصلنا للحداشر فقالت الحادية عشر زوجي ابو زرع وما ابو زرع وما ابو زرع وقعدت تحكي بقى مين ابو زرع. خلص - 00:11:57

ابنة ابي زرع ما ابنة ابي زرع وقعدت تحكي على بنته خلصنا ابن ابي زرع ما ابن ابي زرع وقعدت تحكي على ابنه. طب خلصنا ام ابي زرع ما ام ده واحدة متيمه - 00:12:17

جوزها ده واحدة متيمه بكل شيء يتعلق بجوزها. ما ام ابي زر وقعدت تحكي. خلصنا جارية ابي زرع. ما جارية ابي وقعدت توصف الجارية بتاعة ابو زر. وبعد كده طلع ان ده كان جوزها الاولاني - 00:12:32

وطلعت ان هي اتطلقت منه واتجوزت واحد تاني وبتوصف مشاعرها تجاه الاولاني انها مش قادرة تنساه. النبي عليه الصلوة والسلام بعد كل بقى الایه واحد الحداشر قصة دول النبي عليه الصلوة والسلام بيعمل تعليق كانه بيقول للسيدة عائشة انا قلبي معك وانا كنت مركز في كل كلمة بتقولها يقول لها كنت لك - 00:12:49

كابي زرع لام زرع. يعني بيقول لها انت رمز للوفاء. ورمز للحب. ورمز للعاطفة وانا مش مديكي حرك. وانا مش قادر ان انا اديكي حرك في الحب والعاطفة. يا اخوانى والله العظيم يا اخوانى يعني اللي ممكن يدرك اللي النبي بي عمله هنا عليه الصلوة والسلام لو قاعد قدامي الوقتي راجل اعمال مسلا ملطف مليونير مسلا - 00:13:09

او قاعد قدامي رئيس مجلس ادارة شيء يعني مالت النشأ الى الجروب. او قاعد قدامي شخص وزير من الوزراء ووراه خمستلاف ملف مستنبينه بكرة مين يا اخواننا دائما يعني على فكرة دائما اكتر حالات فشل اسرى بتبقى في حياة العظام والناجحين. والعلماء ليه ؟ لان دول حياتهم شغل بس - 00:13:29

دائما بيحطم اسرته ان النبي عليه الصلوة والسلام صدره يبقى واسع لدرجة ان النبي عليه الصلوة والسلام طفل يكلمه يسمعه. النبي عليه الصلوة والسلام سجد سجدة فطول فواحد وراه بيقول له يا رسول الله لما اطلت ؟ - 00:13:49

فقال له ان ابني اللي هو الحسن او الحسين بقى احفاده يعني ركب فوق ظهري فلم ارد ان يعني ايه ان يعني ايه ؟ يعني كما قال عليه الصلوة والسلام افزعها او ان اعكر عليه صفا. ابني جه حفيدي جه فوق ضهري. والنبي عليه الصلوة والسلام قاعد سايبه لحد ما يشبع خالص. ولحد ما ينزل ساعة الصدر - 00:14:04

سعة الصدر في مكة لما الصحابة كانوا بيعذبوا تعذيب شديد جدا وسيدنا خباب ام انار حطت السيف السيف الملتهب على رأسه فصعد الدخان وسقط مغشيا عليه. افاق جري على النبي عليه الصلوة والسلام ضهره مكوي بالنار. وراسه مكوية بالنار. لقى النبي عليه الصلوة والسلام قاعد في صحن الكعبة - 00:14:24

فارش طوب تحته وقاعد بقى يسبح ويصلبي ويقبض. خبط دخل على النبي عليه الصلوة والسلام قال له يا رسول الله الا تدعونا ؟ الا لنا يا رسول الله. انت يا رسول الله جالس متسبح. ربنا وبتعد ربنا واحنا قاعدين بنكويه بالنار. الا تدعونا ؟ الا تستنصر لنا - 00:14:44

النبي عليه الصلوة والسلام رد عليه. ولكن يا جماعة هل خباب اشد غيرة على دين الله من النبي عليه الصلوة والسلام ؟ ابدا. ولكن ده دى سعة الصدر. ان النبي عليه الصلوة والسلام - 00:15:04

ثقة بالله من خباب. اكتر امل في الله من خباب. اكتر فرح بالله من خباب. فالنبي موقن ان كل ده هينجلي. فده كان وايمان كان سعة صدر من النبي عليه الصلوة والسلام - 00:15:14

النبي عليه الصلوة والسلام اخلاقه مهما كانت الظروف لا تتبدل في غزوة احد النبي عليه الصلوة والسلام تلات تلاف واحد هاجمين

عليه. ومعظم الصحابة يعني يعني تركوا ميدان المعركة. ابو طلحة مسك السهام وبدأ يرمي. يرمي - 00:15:29

وطلحة رافع راسه النبي عليه الصلاة والسلام بيقول له اخض رأسك لا تصيبك سهامهم. هو احنا رسول الله الوقتي يعني الحنان بتاعك يا حبيب الله بيطلع المواقف دي ابو طلحة قال له يا رسول الله نحري دون نحرك. يا رسول الله يعني قال له لو جا لي السهام تيجي في رقبتي انا يا حبيب الله. عليه الصلاة والسلام - 00:15:46

سعد بن ابي وقاص ماسك الساب النبي قال له يا سعد ارم سعد فدك ابى وامي. ووقفت قدام كلمة فدك ابى وامي واما مبهور. فدك ابى وامي يعني انت اغلى عندي من امي وابويا. يعني تخيل هذا الموقف القاتل في وسط السهام - 00:16:05

قاتل في وسط تناول الدماء والاشلاء. والنبي عليه الصلاة والسلام بيقول له انت اغلى عندي من اغلى الناس. انت اعز عندي بيقول له انا باحبك. انت حبك في قلبي اعلى من حب احب الناس الى قلبي. تخيلوا النبي عليه الصلاة والسلام - 00:16:25

تخيلوا حبيب الله عليه الصلاة والسلام. تخيلوا الاخلاق بتاعته مهما كانت الزروف. حدست مجاعة في غزوة الاحزاب في غزوة الخندق والرسول عليه الصلاة والسلام ربط الحجر على بطنه من الجوع. والصحابة جعانيين. واحد الصحابة في صحيح البخاري بيقول كان بيوزع على كل واحد اهانة سلخة. شوية دهن كده - 00:16:41

خلاص وهي في الحلق بشعة. ده ده كلمة الصحابي في صحيح البخاري. وهي في الحلق بشعة. بيقول طعمها بشع. ومع ذلك ما فيش غيرها. واحد صحابي راح لمرااته لقى النبي عليه الصلاة والسلام جعان جدا ورابط الحجر على بطنه من الجوع قالت له خلاص انا هاعمل اكل ولكن خد بالك النبي عليه الصلاة والسلام يا دوبك وواحد او اتنين معه ما ينفعش - 00:17:01

اكثر من كده راح للنبي عليه الصلاة والسلام قال له يا رسول الله اعدنا لك طعاما. ولكن يا رسول الله يعني رجلين او ثلاثة معك. يعني يعني هذا قدر الطاعة. النبي عليه الصلاة والسلام قال له خلاص - 00:17:21

ازهب الى امرأتك وايه ولا تفعل شيئا حتى اتيها. وقام من نادي الجيش كله عليه الصلاة والسلام. الزوجة لقت الف واحد داخلين عليها. يا جماعة احنا لما بنبقى جعانيين ممكن واحد فينا يعني ضميره يعني او يعني نفسه تخونه ويبقى نفسه انه - 00:17:31

تاكل حتى يعني لو جا له حاجة كده دول اخوان وهو مش قادر يتحمل مسألة الجوع. النبي عليه الصلاة والسلام رابط الحجر على بطنه ولا يأكل الا لما يكون للجيش يأكل. والنبي - 00:17:51

عليه الصلاة والسلام يدعو ويبارك الطعام ويكتفي الطعام لكل من ذهب بهم. النبي عليه الصلاة والسلام انما يا جماعة الاخلاق وهو جعان. الاخلاق هو في الغار مع ابو بكر الاخلاق في موقف تشيب فيه شعور الرأس وترتجب فيه القلوب. والنبي عليه الصلاة والسلام على الاخلاق وعلى الوفاء مع ابي بكر الصديق - 00:18:01

النبي عليه الصلاة والسلام لا يوقد في بيته نار هلال تلو هلال تلو هلال وهو على هذه الاخلاق. يا جماعة سعة الصدر كان اوسع الناس صدر عليه الصلاة والسلام. اخلاق النبي عليه الصلاة والسلام. اكتر انسان اتكلم عن الاخلاق في الدنيا كلها - 00:18:21

اكثر مصلح اهتم بملف الاخلاق في الحياة كلها. اكتر واحد اتكلم عن ثمار حسن الخلق في الحياة كلها النبي عليه الصلاة والسلام ما فيش مصلح في التاريخ ولا قائد ولا انسان عظيم ولا مربي ولا ناشر مبادئ. اتكلم عن الاخلاق - 00:18:38

زي ما النبي عليه الصلاة والسلام اتكلم عنها. تخيل معي عيشي معي بقلبك. مع احاديث النبي عليه الصلاة والسلام. وهو يقول لاصحابه ان احب عباد الله الى الله. ان احب عباد الله الى الله. اكتر واحد رينا بيحبه فيما - 00:18:56

احسنهم خلقا. شوفوا النبي عليه الصلاة والسلام اتكلم عن حسن الخلق لدرجة ان يقول ان من احبكم اليه احسنكم اخلاقا. النبي عليه الصلاة والسلام بيقول اكتر حد رينا بيحبه. اكتر حد انا بحبه احسنكم اخلاقا - 00:19:16

اكثر حد عنده حسن خلق. النبي عليه الصلاة والسلام قال اكمل المؤمنين ايمانا. الله اكبر. اكمل المؤمنين ايمانا اكتر ناس كملوا الایمان بتاعها احسنهم اخلاقا. النبي عليه الصلاة والسلام يقول ان من خياركم احب - 00:19:36

اخلاقا. يعني ايه الخيار؟ خيار يعني الخيرة يعني الصفة وربنا لما بيصطفى بيصطفى الصفة يعني اكتر ناس ربنا يصطفىها اكتر ناس ربنا يرفعها. اكتر ناس ربنا يستعملها مننا هم احسن ناس فيما اخلاق. اكتر ناس ربنا يرفعها فيما - 00:19:56

اكثر ناس فينا اخلاقك. يا جماعة احاديس تزلزل القلب. ان قال رسول الله صلى الله عليه وسلم ان المؤمن ليبلغ بحسن الخلق درجة الصائم القائم. يعني النبي عليه الصلاة والسلام بيقول ان حسن - 00:20:16

الخلق ده يوم القيمة رغم ان هو ما كانش صوام ما بيصومش اتنين وخميس. ما بيقومش الليل كل ليلة. بيجي يوم القيمة يلاقى نفسه مع الصوماين القومين في الفردوس الاعلى - 00:20:33

يعني النبي عليه الصلاة والسلام بيقول ان حسن الخلق بيرفع للفردوس الاعلى. النبي عليه الصلاة والسلام يقول اح恨كم الي واقربكم مني مجلسا يوم القيمة. النبي في زل عرش الله. يعني دول في ظل عرش الله مين يا رسول الله - 00:20:43

قرينا منك مجلس يوم القيمة. مين يا رسول الله اقرب ناس هتعدي المصراط معك؟ هتقف على الحوض معك هتدخل الجنة معك احسنكم خلقا. احسنكم خلقا. يعني النبي عليه الصلاة والسلام بيقول لك حسن الخلق هيرفعك الفردوس الاعلى. حسن الخلق - 00:21:01

يوقفك في ظل عرش الله. قال رسول الله صلى الله عليه وسلم اتقى شيء في الميزان حسن الخلق. اتقى شيء في الميزان. يعني على الوزن الاعمال اتقى حاجة هتقى كفة حسناتك. اكتر حاجة هتقى كفة حسناتك حسن الخلق. سعة الصدر السهولة. الشجاعة الوفاء الكرم - 00:21:19

الصفح العفو التسامح السماحة. كل ديت صفة السخاء الجود. انك انت ما تأزىش حد ما تختبىش حد انك تجبر خاطر الناس. انك انت تبقى سهل هين لين. عشان كده النبي عليه الصلاة والسلام يقول الا ادلكم على - 00:21:44

على من تحرم عليه النار او يحرم على النار قال كل قريب سهل لين. كل قريب انسان قريب. قريب قريب سهل انك ترضيه. سهل انك تسامحه سهل انك تصالحه لين انسان مرن لين. اللي بيأخذ ايده بيروح معه لين مع الناس. ما هواش دماغه ناشفة ما هواش دماغه - 00:22:04

ما هوش دماغه صب في اسمنت خرسانة مسلحة. كل قريب سهل لين. النبي عليه الصلاة والسلام يقول الا ادلكم على اكتر اهل الجنة اكتر اهل الجنة او اكتر ما يدخل الناس الجنة. قالوا بلى يا رسول الله. قال تقوى الله وحسن - 00:22:29

خلق النبي عليه الصلاة والسلام يقول انا زعيم انا ضامن ببيت في ريض الجنة. يعني في اسفل الجنة يعني عارفين يا جماعة المناطق الشعبية بتاعة الجنة. مناطق الكثافة السكانية بتاعة الجنة. يعني يعني زي ما الدنيا فيها مناطق شعبية كده. الجنة فيها بس مش شعبية بقى شعبية بتاعة - 00:22:49

يعني ملوك برضه اه يعني انا زعيم ببيت في ريض الجنة قمة الونس بقى والانس والحياة الاجتماعية كلها. لمن ترك الجدال وان كان محقا. اللي يسيب شهوة الجدال وده من حسن الخلق له بيت في ريض الجنة. في المكان اللي كله ونس وانس وفرشة - 00:23:09
حياة اجتماعية. وانا زعيم ببيت في وسط الجنة. وسط الجنة زي ما بقول لك كده آآ الشقة في وسط البلد. شقة انا نازل وسط البلد وسط البلد دي في القاهرة كلمة كبيرة. وكلمة لها معاني فتخيل الجنة برضو في وسط البلد في الجنة. بكل المعاني بتاعة وسط البلد كده اللي ساكنين فيها. وانا زعيم ببيت - 00:23:29

وسط الجنة لمن ترك الكذب وان كان صادقا. وان كان مازحا. وانا زعيم ببيت في اعلى البشواتي بقى الفلل المنعزلة بقى على البلاد الواحدة. المنتجعات السياحية بتاعة الفردوس الاعلى بقى - 00:23:49

الحاجة قمة الفخامة بقى اللي في الوجود كله. انا زعيم ببيته. في اعلى الجنة لمن حسن خلقه. يعني التلاتة حسن خلق يخلوا لك امالك في كل طبقات الجنة. يخلوا لك عقارات في كل اماكن الجنة وكل منتجعات الجنة. فيه انسان - 00:24:06

اتكلم عن حسن الخلق. فيه مصلح. فيه قائد. قواد الاباء العظام بتوع امريكا ابراهيم كولين وجورج واشنطن الاباء العظام بتوع فرنسا من كل قواد الفكر بتوع الثورة الفرنسية وكل الاباء العظام بتوع روسيا وديسكونوفسكي - 00:24:24

وكل الاباء العظام بتوع المانيا بتوع اوروبا بتوع الغرب. بتوع جميع الحضارات الانسانية. حد منهم. اتكلم يا اخوانى حد منهم اتكلم على حسن الخلق بالدرجة دي؟ حد منهم عظم قضية الاخلاق بالدرجة دي؟ لا يوجد في التاريخ. لا يوجد في البشرية كلها. حد اتكلم -

اخلاق وقال ان حسن الخلق يخليك احب عباد الله الى الله. حسن الخلق يخليك خيار هذه الامة وصفوتها. حسن الخلق يخليك لك بيوت في الجنة واعلى الجنة ووسط الجنة. حسن الخلق يخليك اكمل المؤمنين ايمانا. يخليك اثقل المؤمنين ميزانا يوم القيمة. يخليك اقرب المؤمنات - 00:25:05

مجلسا من النبي عليه الصلاة والسلام يوم القيمة. حسن الخلق يخليك احب عباد الله الى الله. واحب عباد الله الى رسول الله. حسن الخلق. مين اللي اتكلم عن الاخلاق الكلام ده كله. مين اللي عظم قضية اخلاق التعظيم ده كله؟ عشان كده كان نفسي ان في هذه الحلقة اكلمكم عن اكبر مستشرقيين في العالم - 00:25:25

عن اكبر شخصيات غربية في العالم من المانيا من آآ من آآ من كل مكان في الدنيا كلها. من كل الدول ومن كل الحضارات نفسي اقول لكم عظموا انبهروا بشخصية النبي عليه الصلاة والسلام قد ايه. وكل تركيزهم كان على قضية الاخلاق. واكترا انبهار لهم كلهم كان بقضية الاخلاق - 00:25:45

كان قضية التسامح. قضية العفو. قضية الصفح. قضية الحلم. دي القضية اللي بهرت العالم. بالنبي عليه الصلاة والسلام. عليه افضل الصلوات من رب العالمين الى يوم الدين كان اوسع الناس صدرا. والينهم عريكا واصدقهم لهجة. واكرمهم - 00:26:05

اللهم عشرة. اكرامهم عشرة يعني غرقك بالاخلاقه. يغرقك بكرمه. يعني انا ممكنا اديك خمسمية جنيه في خمسمية جنيه الف جنيه يعني انا اكرام مال. انما فيه كرم اخلاق يا جماعة. ان انا اغرقك بالاخلاقى. ان اللي يقابلني يتغمر حب. يتغمر شفقة -

00:26:25

غمر شهامة يتغمر مساندة واعانة يتغمر كرم. واصدقهم يتغمر كلام. فيه ناس يا جماعة ضيعي الكلام. فيه ناس يا اخواننا بتبعي كلام. فيه ناس يا جماعة يعني بيخلص المصالح بتاعته بكلمتين. يراضي بهم الناس وبعد كده الناس تيجي - 00:26:45

طالبوا خلاص وعود وخلاص. اصدق الناس لهجة. يعني ممكنا ينصحاك حتى لو النصيحة هتبقى صعبة عليك. ولكن هي دي مصلحتك. يصدقك. اصدق الناس لهجة اليهود عريكة لين. لان مع كل اللي حواليه. يعني حاضر. ماشي. اللي يطلب حاجة حاضر ايه الاخلاق دي؟ ايه الصفات العظيمة دي؟ ايه سعة - 00:27:05

الصدر العظيمة دي نفسنا نتعلم الصفة العظيمة دي يا اخواننا. نفسنا الصفة دي تبقى في حياتنا. الصفة دي سببها الثقة في الله. والامل في الله واليقين ان ربنا ولا يمكن هيسيينا ابدا ولا يمكن ان يتخللى عننا. انك تواجهي مشاكل الدنيا صدرك قد الكرة الارضية. مهما المشاكل جت صدرك واسع. مهما الناس - 00:27:25

صدرك واسع. مهما اتعرضت لتهديدات او اختار صدرك واسع. مهما الدنيا ضاقت بك صدرك واسع. مهما الناس حملت مشاكلها عليك. صدرك واسع. مهما مهما صدورنا واسعة. مهما جت ابتلاءات في القدر صدورنا - 00:27:45

مین فينا يا جماعة؟ اللي هيأخذة التلات صفات بتوع النبي عليه الصلاة والسلام؟ جمع كل الاخلاق عليه الصلاة والسلام. مع كل الناس في كل الزروف سعة الصدر المذهلة التي لم يصل اليها اي انسان في التاريخ. ولم يستوعبها صدر اي مصلح في التاريخ. اعظم الاخلاق - 00:28:05

اكبر معجزة في الاسلام اخلاق النبي عليه الصلاة والسلام. نسأل الله سبحانه وتعالى. اللهم ارزقنا سعة الصدر يا رب العالمين. اللهم ارزقنا حسنظن بك وصدق التوكل عليك. اللهم املا قلوبنا املا في رحمتك. اللهم املا قلوبنا ثقة فيك يا رب العالمين - 00:28:25

اللهم املا قلوبنا بما ملأت به قلوب عبادك الصالحين. اللهم ارزقنا اخلاق حبيبك محمد صلى الله عليه وسلم. الله اللهم زينا بزينة الایمان واجعلنا هداة مهتدین. اللهم اهدنا لاحسن الاخلاق. لا يهدي للاحسنها الا انت - 00:28:45

واصرف عننا سينها لا يصرف عننا سينها الا انت. اللهم زينا باخلاق الحبيب محمد صلى الله عليه وسلم. الله اصلاح امما محمد صلى الله عليه وسلم. اللهم استعملنا ولا تستبدل بنا يا ارحم الراحمين. يا ارحم الراحمين يا ارحم الراحمين - 00:29:05

سبحانك اللهم وبحمدك اشهد ان لا الله الا انت استغفرك واتوب اليك - 00:29:25